

Akilerartarnermut Aqutsisoqarfimmi attaveqaqatigiinnermut siunnersorti

Akilerarusersuisarnek innuttaasunut suliffeqarfinnullu nuannaarutaasussanngorlugu paasiuminernerutileruppiuk?

Akilerartarnermut Aqutsisoqarfik innuttaasunut suliffeqarfinnullu ikiuerusulluinnartumik attaveqaqatigiittarnermut tunngatillugu suleqatissarsiorpoq. Attaveqaqateqartarnerput amerlasuutigut teknikkiullunilu oqaasertatigut paasiuminaangaatsiarsinnaasarpoq. Attaveqaqateqarnermi sulisumik innuttaasut suliffeqarfiillu aamma uagut suliatigut attaveqartarnitta akornanni aqqutissiuussisinnaasumik pisariaqartitsivugut Akilerartarnermut tunngatillugu ilisimasalissuusariaqanngilatit, tassa alapernaassuseqarlutillu suliassamut tunngatillugu ilikkagaqarusussuseqarnerit naammappoq. Suliatigut piginnaasatit aamma nutaaliornikkut pisinnaasatit inissaqartissavavut, aamma attaveqaqatigiittarnermut tunngatillugu nutaaliornissaq eqqarsaatigalugulu misilerarsinnaavarput. Assersuutigalugu filmiliornermik aamma titartakkanut tunngassutilinnik suliaqarsimavugut, illillu isumassarsiannut tusarnaarnissamut piareersimalluta.

Ullormi assigiinngitsunik suliaqartarnissat naatsorsuutigisinnaavat. Akilerartarnermut Aqutsisoqarfiup aqqissugaanerani nutaarsiassaniit tusagassiorfitsigut nalunaarutissatut missingiummut, allakkanik innuttaasut e-Boksikkut tigusartagaannik kukkunersiuiineq, suliffeqarfinnut ilitersuutit, Innuttaasunik kiffartuussivimmi akitsuutinik nalunaaruteqarnissamut imaluunniit suliniutinik ineriartortitsinissamut atugassiissutinik ineriartortitsineq.

Suliffimmi nutaaliortarnerup saniatigut suliassat ilarpassui ingerlatsinerup qulakkeerneqarnissaanut tunngassuteqassapput. Ilaatigut Akilerartarnermut Aqutsisoqarfiup nittartagaata nutarterneqartarnissaa aamma Facebookkitta innuttaasunut suliffeqarfinnullu maanna attuumassutigisaannut naapertuuttuunissaata qulakkeerneqarnissaat akisussaaffigissavatit.

Attaveqaqateqarsinnaanivit saniatigut suliniutinik aamma aqutsisinnaaguit piginnaasavit taakku atornissaat aamma periarfissarissavat.

Akilerartarnermut Aqutsisoqarfimmi aqutsisoqatigiinnut ilaassaatit. Aqutsisoqatigiit assersuutigalugu IT pillugu suliniutinik aqutsinissap inatsisilerinerullu iluini assigiinngitsunik piginnaasaqartuupput. Sulisut aqutsisut peqatigalugit Akilerartarnermut Aqutsisoqarfimmut siunnerfilersuillutillu suliniutit naammassineqarnissaat isumagisarpaat. Suleqatigiit akunnitsinni aamma Akilerartarnermut Aqutsisoqarfimmi sulisut allat peqatigalugit suleqatigiilluarterpugut.

Suliassat pingaernerit

- Akilerartarnermut Aqutsisoqarfiup avammut attaveqartarneranut ikiuuttarneq: nittartagaq, SoMe, allakkat, allagartarsui, digitalimik atuisarnek, innuttaasunut suliffeqarfinnullu ilitersuutit, immersugassat il. il..
- Akilerartarnermut Aqutsisoqarfiup iluani attaveqaqatigiissitsineq; Akilerartarnermut Aqutsisoqarfik nuna tamakkerlugu Aalborgimilu 100-t sinnerlugit sulisoqarpoq.
- Akilerartarnermut Aqutsisoqarfimmit saqqummiussassanik allaganngortitsineq aamma aqutsisut suleqatillu suleqatigalugit tusagassiorfinnik allanik oqaloqateqartarneq.
- Innuttaasut suliffeqarfiillu ataatsimeeqatigiittarnerannik nukittorsaanerup saniatigut Akilerartarnermut Aqutsisoqarfimmi suleqativit ataatsimeeqatigineqartarnerannik nukittorsaaneq.

Naapertuuttumik ingerlaqqiffiusumik ilinniagaqarputit imaluunniit suliffeqarfiit sinnerlugit attaveqartarnermik suliaqarnermi piffissami sivisuumi misilittagaqarputit.

Kalaallit Nunaanni pissutsinik ilisimasaqarluaruit iluaqutaassaqaq. Innuttaasunik suliffeqarfinnillu paasinnissinnaassaait aamma taakku pisariaqartitaat aallaavigalugit oqaloqatiginnissinnaassaait.

Pingaartipparput illit:

- Attaveqatigiittarnerup iluani qaffasissumik piginnaasaqarnissat. Sullinniakkat sorliit oqaloqatigisarnerivut, oqariartuutiginiakkat sumut tunnganersut, paasissutissat erseqqissuunissaat eqqortuunissaallu aamma attaveqatigiittarnermi tunngaviusumik piginnaasaqarfiit allat paasisimasaqarfigivatit.
- Suliassanik naammassineqartussanik arlalinnik misilittagaqarputit; nittartagaq, tusagassiorfiit, oqaasertaliussat il. il..
- Suleqatigiit ilaattut sulilluarsinnaavutit. Aammali namminersorsinnaallutit.
- Erseqqissumik oqaaseqarsinnaavutit – allatullu isumalinnut tusarnaarsinnaallutit.

Kalaallisut, danskisut tuluttullu piginnaasaqarfigigukkit iluaqutaassaaq.

Inuttut piginnaasat

- Suleqatikkuminartoq aamma suliffeqarfimmi assigiinngitsutigut suliaqarsinnaasoq. Tamanna aqutsisoqatigiinni Akileraartarnermullu Aqutsisoqarfiup sinnerani atuuppoq.
- Akisussaassuseqartoq aaqqiissuteqarsinnaasorlu.
- Ulloq suliffiususaaq aaqqissuussaasumik nammineertumillu ingerlassinnaavat pilersaarusiorsinnaallugulu, kingusinnerusukkut malitseqartillugulu uppersarneqarsinnaasumik.
- Suliannut tunniussimasuuvutit suliatigullu ineriartorusullutit.

Akissarsiat atorfeqarnermilu atugassarititaasut

Akissarsiat atorfeqarnermilu atugassarititaasut, taakkununga ilaallutik atorfininnermi soraarnermilu angalanissamut kiisalu pisattat nassiunneqarnerini aalajangersakkat aallaavigalugit Namminersorlutik Oqartussat sulilertussallu kattuffiata isumaqatiginninniarsinnaatitaasup akornanni isumaqatigiissutit atorfininnerup nalaani atuuttut naapertorlugit pissapput.

Qinnuteqartunut piginnaasanik eqqortunik uppersarneqarsinnaasunillu pigisalinnik isumaqatigiissutit atuuttut malillugit immikkut siunnersortitut, siunnersortit pisortaattut imaluunniit siunnersortaanertut atorfinitsitsisoqarsinnaavoq.

Ineqarneq

Atorfimmut atatillugu sulisut inissaannik innersuussisoqanngilaq. Qinnuteqartoq Namminersorlutik Oqartussani atorfeqarnini aqqutigalugu sulisutut ineqareeruni sulisutut inissiamik innersuussivigineqarnissamut pisinnaatitaaffik attatiinnarneqassaaq Sulisutut inigisaq atorfeqarnermut atasuuvuq, atorfeqarunnaarnermilu qimanneqartussaassalluni.

Qinnuteqaat, CV, ilinniakkanut pikkorissarnernullu uppersaasait, kiisalu allagaatit attuumassutillit "Qinnuteqaat nassiuguk" toorlugu nassiunneqassapput.

Mailikkut qinnuteqaatinik tigusineq ajorpugut.

Attaveqarfissaq:

Lisbeth Møller Jensen lsmj@nanoq.gl +299 34 65 10

Kingusinnerpaamik tunniussiffissaq: 14. oktober 2026

Atorfinitsitinerup suussusaa: Piffissaq tamakkerlugu suliffik

Atorfinitsiteriaaseq: Isumaqatigiissutit tunngavigalugit piumasaqaatit

Suliarisartakkat: Attaveqatigiinneq

Nunap immikkoortua: Kommuneqarfik Sermersooq

